

327<sup>b</sup>. *Hans von Thale verkauft wiederkäuflich an mehrere Bürger von Quedlinburg für 120 Gulden Rheinisch seinen Antheil an einem bei Börneke gelegenen Holze, genannt der Rennenberg. 1433. April 5.*

Ik Hans vame Dale, Hinrikes vame Dale seliger son, unde myne  
 5 erven bekennen mit dissem open breife allen de one sehen horen edder  
 lesen, dat ek mit willin unde vulbord Hinrikes vame Dale, myns leifen  
 veddern Cordes sone vame Dale, vorkoft hebbe oppe eynen wedderkôp  
 mynen deil, by namen die helffte des holtis, genant de Rennenberch,  
 gelegen by dem dorpe to Bornker, unde dat myddelholt mit aller nût  
 10 unde tobehoringe, dar mede myn veddere ergenant unde ek insampt  
 mit beyden deilen belegen sin van der herschap van Reynstein, dissen  
 nageschreven bescheiden luden Henninge Stellemeker, Albrichte Kling-  
 harde, Hinrike Horlen, Eggerde Stellemeker, Henninge Pecfelde,  
 Clause Dideken unde Arnde Kurshoge burgern to Quedlingburch, orer  
 15 allir erven edder we dissen breif hedde mit orem guden willen, unde  
 hebbe one de helffte des holtis vorgeschreven gegeben vor twyntich  
 Rynssche gulden unde vor hundert gulden, gut an golde unde swar  
 ame gewichte, de ek vullenkomeliken dar vor op genomen, unde de  
 vromen lude<sup>1</sup> vorgenomet dar vore vorsat hebbe unde vorlate one de  
 20 were van stund in gift disses breifes an to gripene unde des to benei-  
 tene disse negisten sehes jar, de ane myddel by enander volgende sin,  
 mit alle deme des dar inne gewassen is, mit allir nût unde tobeho-  
 ringe, nictes utgesloten, ane alleyne twe blek aff to howende, de  
 Ludeke Crevet dar inne reyde betalet hefft, unde wes de bur van Born-  
 25 ker betalet hebben. Ok mogen we benomeden vame Dale unde unse  
 erven dijt benomede blek holtis wedderkopen unde losen mit twintich  
 unde hundert gulden na dissen sehes jaren, welkis jaris we willin, de  
 losinge eyn verndel jares to vorn one to vorkundigen, also op sente  
 Johannis babtisten dach to middensommer, unde denne schullen we  
 30 one ore gold vorbenomet vul unde al weddergeven unde betalen in  
 der stat to Quedlingburch ane allerleige bekummernisse geistlikes und  
 werlikes gerichtes ane geferde, unde willin des ore were sin, wure unde  
 wanne se des bedorffen. Unde des to eynem waren bekentnisse so  
 hebbe we vorgenante Hans unde Hinrik vam Dale geveddern vor uns  
 35 unde unse erven unse ingesegele hengen laten witliken an dissen breif  
 na Cristi unsis leifen heren gebord veirtheinhundert jar dar na ame  
 drei unde drittigisten jare ame Palmensondage.

Original mit Siegel im Stadt-Archiv zu Quedlinburg No. 155.

1) *So, lies* den vromen luden.